



WAN SAIME WAN NGAH



SITI KARTOM KAMARUDIN



ISHAK HASHIM



LUQMAN CHUAH

## 14 terima anugerah Malaysia's Rising Star Award

**KUALA LUMPUR 3 Sept.** - Seramai 14 penyelidik negara dinobatkan sebagai penerima anugerah Malaysia's Rising Star Award di atas kejayaan menghasilkan artikel yang menerima sitasi penerbitan satu peratus tertinggi di dunia.

Kementerian Pendidikan Tinggi dalam satu kenyataan berkata, pencapaian itu berdasarkan Essential Science Indicators (ESI) bagi tempoh 2005 hingga 2014 melalui agensi pengindeksan antarabangsa, Thomson Reuters yang berpangkalan di New York, Amerika Syarikat.

"Penerima yang terpilih adalah penulis utama artikel yang paling kerap digunakan sebagai rujukan oleh penyelidik di seluruh dunia

merangkumi 21 bidang penyelidikan," kata kenyataan itu di sini hari ini.

Penerima berkenaan menurut kenyataan tersebut ialah Prof. Datuk Dr. Abdul Khalil H. P. Shawkataly, Prof. Dr. Abdul Latif Ahmad, Prof. Dr. Abdul Rahman Mohamed, Prof. Dr. Abd. Alias, Prof. Dr. Hazizan Md. Akil, Prof. Madya Dr. Mohd. Roslee Othman dan Prof. Dr. Wan Saime Wan Ngah yang kesemuanya dari Universiti Sains Malaysia (USM).

Penerima lain, Prof. Dr. Siti Kartom Kamarudin dan Prof. Dr. Ishak Hashim dari Universiti Kebangsaan Malaysia (UKM) serta Prof. Dr. Luqman Chuah Abdullah

dan Prof. Madya Dr. Abdul Halim Abdullah (Universiti Putra Malaysia).

Turut menerima ialah Prof. Dr. Wan Mohd. Ashri Wan Daud, Prof. Madya Dr. Wong Kuan Yew dan Norliana Mohd. Abbas masing-masing dari Universiti Malaya (UM), Universiti Teknologi Malaysia (UTM) dan Universiti Teknologi Mara (UiTM).

Pengiktirafan itu merupakan hasil usaha sama Thomson Reuters dan Pusat Sitasi Malaysia, Jabatan Pendidikan Tinggi dan Kementerian Pendidikan Tinggi dalam meningkatkan status penyelidik negara seterusnya mengiktiraf mereka di peringkat negara dan antarabangsa.